

Na "rösa por la vita" en Pasca, do mëssa grana, sarál la uniun dles èles che vèn dan dijia röses por la "Krebshilfe".

Le cor Kyrios cun le *Vinzentiner Knabenchor* da Porsenú invièia a so concert „**Hymns of worship**” en mercui ai 17 de aurí dales 20.00 tla Ciasa dla Cultura a La Ila.

Pelegrinaie dl KVV por vèdues/vèdai y porsones sores en Lünesc de Pasca a S. Martino di Schio. An pèia ia da S. Laurènz dales 07:45 y le iade cun marèna costa 40 €. Prenotesse cina ai 16 de aurí pro le KVV – tel. 0474/411149 o pro la surastanta dl paisc.


Iade da Padre Pio: al vègn pié ia tla Val Badia la sabeda ai 27 d'aurí 2019 dales cater da doman da Corvara demez, por jí cina a San Giovanni Rotondo, olache an stará cina en mertesc ai 30 d'aurí 2019. Por informaziuns y prenotaziuns: tel. 0474 520013.

Depènje üs por Pasca: i jogh y la **Bauernjugend** á organisé da depènje üs en vèndres do la funziun te local di jogh. En Pasca do messa grana te stüa di paurs él spo na cufada cun dúc chi che ó gní.

La Ciasa de Palsa a S. Martin chir: 2 infermieres profesionale, 2 operadesses sozio - assistenziale, 2 operadèsses sozio - sanitarie (düttes cun bi/trilinguism a tèmplègn y/o parzial) y na educadèssa sozuala cun bi/trilinguism a tèmplègn. Por informaziuns plü avisa pon cherdé sö le numer 0474 524 786. 🍷

La Uniun di Èi da Lungiarü mèt a jí n **marcé de patüc de secunda man** por mituns ai 28 de aurí dales 9.00 ales 15.30 te palestra a Lungiarü. Chi che á val da vène pó se prenoté al nr. 340 3242376 (18.00-21.00) o al nr. 380 5145840 (10.00-13.00) cina ai 20 de aurí.

8%o por la Dlijia Catolica: cun na firma son osta „denuncia dei redditi“ o mod. CU podèise destiné l'8%o ala dlijia catolica. Implö podèise sostení cun le 5%o val'atra organisaziun catolica o sozuala (i stüdafüch de Badia a dé dant so codesc fiscal 81010180214 y prèia de osc aiüt).




Plata dla Ploania Badia

San Iaco - San Linert

Ploan: **Siur Iaco Wendelin Willeit**
Calonia Badia: **0471/839571**
E-Mail: parrocchiabadia@libero.it
Radio dla Ploania: **91,10 Mhz**

UNITÉ PASTORALA



www.unitepastorala.org

Ann „C“ 14.04. – 21.04.2019 Domènia dal ORÍ n. 20

EDEMA



SANTA



Im Blick auf das Kreuz schauen wird nicht nur
das Dunkel des Todes,
sondern auch das Licht der Auferstehung.

Vangele dla Festa de Pasca - dl Ann "C"

Jan 20,1-9

Le pröm de d'edema, é Maria da Màgdala jüda da doman adora canch'al ê ciamó scür, fora dala fossa y á odü che la pera ê tuta demez dal sepolcher. Ara é saltada debota da Scimun Pire y dal discepul, a chël che Gejü ti orò bun, y ti á dit: An á tut le Signur fora de sepolcher, y i ne savun nia, olach'an l'á metü. Dailó é Pire y l'ater discepul jüs ia y fora y é rová fora dal sepolcher; ai ê saltá trami deboriada, mo deache l'ater discepul ê plü asvelt co Pire, é chël rové por pröm dal sepolcher. Al s'á cufé jö y ite y á odü les fascas de lin ia por tera, mo al n'è nia jü ite.

Tratan ê ince rové adalerch Scimun Pire, che ti gnò do, y é jü ite tl sepolcher. Al á odü les fascas de lin ia por tera y la peza dal assoius che ê stada sö ce de Gejü; ara n'è nia pro les fascas de lin, mo dlungia, loblrida adöm te n post despartí. Spo é ince jü ite l'ater discepul, che ê rové por pröm dan le sepolcher; al á odü y á cherdü. Al ne capí nia ciamó la Scritöra, che al messá pö ressori dai morc.

FUNZIUNS SACRES

14.04. DOMÈNIA dal ORÍ / Ann C

10.00 *Dan Calonia: Benedisciun dl Orí y prozesciun te dlijia*
Mëssa por la Comunità cun letöra dla Pasciun

†ta Maria Alfreider Burchia - aniversar

15.00 *Ora de adoraziun*

18.00 †ta Paola Frena Pitscheider - aniversar

†to Antonio Palumbo

†ta Regina Canins

por fam. Hansi Irsara en reingraz.

15.04. Lünesc

07.30 *Les Laudes*

16.04. Mertesc

19.30 †ta Malia Alfreider Irsara - aniversar

†tes Albina y suor Luciane Pizzinini

por fam. Paul y Ida Valentin

17.04. Mercui - *degüna mëssa*

18.04. JÖBIA SANTA

20.00 **Comemoraziun dla Cëna dl Signur**

S. Mëssa y adoraziun

22.00 OIES: *velia d'adoraziun cun le grup Decanal y i jogn*

19.04. VÈNDRES SANC – *de de jaiun y astinënza dala cern*

15.00 **Comemoraziun dla Mort dl Signur**

cun adoraziun

(*oferta por i püri dl monn*)

20.04. SABEDA SANTA

20.00 **Velia de Pasca - Mëssa solena de Ressorziun**

Benedisciun dl'Ega Santa y renovaziun dl Bato

21.04. FESTA de PASCA dl SIGNUR - Ann C

10.00 **Mëssa solena de Ressorziun dl Signur**

Benedisciun dles spëises da Pasca

15.00 Öspi da Pasca

18.00 †to Elias Dal Bosco - aniversar

†to Sepl Daprè - aniversar

Dala VITA dla CÜRA

Confesciuns



Domènia dal Orí	17.00 - 18.00	
Vëndres Sanc	08.00 - 10.00	16.00 - 18.00
	16.30 - 18.00 (Oies)	
Sabeda Santa	08.00 - 10.00	
Festa de Pasca	08.00 - 10.00	17.00 - 17.45

Oferta de Carsëma: recordun che en Vëndres Sanc é l'oferta por chi che patësc la fan fora por le monn. Bel sëgn ciafëise la cassëta jodapé de dlijia.

I leturs che fej sorvisc tratan l'Edema Santa é inviá a gní n pü'denant te sacrestia por se arjigné ca. Gnide ince düc indô a tó la lista nöia.



Cëre da Pasca: düc chi de 3. mesana é inviá a gní a fá le cëre da Pasca en lünesc, ai 15 de aurí dales 15:00 te Ciasa Runcher/local Kerygma. Vignun/üna podará ince decoré na ciandëra da porté a ciasa.

Ciandëra: por Pasca gnarál partí fora na picera ciandëra por vigni familia.

Oies: Pater Franz lascia alsavëi che en jöbia, vëndres y sabeda dl'Edema Santa, en Pasca y Lünesc de Pasca ne sarál a Oies degüna mëssa.

Vire la Carsëma...

Domènia dl Orí

Vangele Lc 19, 28-40

Ciodí...? Le Signur l'adora.

Impuls: *Se afidunse plenamënter tl Signur, por odëi le bel da vire la fede?*

I toli pert ales funziuns dl'edema santa